



Polítika Sosa Kilat Husi Indonezia: Ameasa ba Estratejia Siguransa Nasional

Mahein Nia Lian Nú. 82, 24 Jullu 2014



Relatoriu Fundasaun Mahein Nia Lian ne'e suporta husi povu Amerikanu liu husi Ajénsia Estadus Unidus ba Dezenvolvimentu Internasional (USAID) no Embaxada Finlandia iha Jakarta.

Visaun husi autor sira ne'ebé expresa iha publikasaun relatoriu sira ne'e la representa vizaun husi Ajénsia Estadus Unidus ba Dezenvolvimentu Internasional (USAID) no Embaxada Finlandia.



Website: www.fundasaunmahein.org



Kontiudu Sira

Konteudu Sira	2
Introdusaun	3
Metodolojia	4
Akordu Kooperasaun no Sosa Ekipamentus Militar husi Indonezia	4
Perfil Empreza PT. Pindad (Persero) – Indonezia no Kualidade Kilat	6
Jestaun Kontrolu Kilat Iha Indonezia	7
Aspetu Polítika no Estratejiku	11
Sumariu Rekomendasaun	13
Bibliografia	14



Introdusaun

Dadaun ne'e Timor-Leste ho Repúblika Indonezia goja hela kooperasaun ida romantiku tebes iha seitor importante sira hanesan ekonomia, sosial, siguransa no suporta maka'as adesaun Timor-Leste ba *Association of South East Asian Nations* – ASEAN. Maske istorikamente FALINTIL ho TNI (*Tentara Nasional Indonesia*) hanesan inimigu tradisional iha istoria okupasaun Indonezia. Premeira vez Timor-Leste hatudu depois tinan 15, povu Timor-Leste haketak aan husi Repúblika Indonezia. Iha ne'ebé pasadu inimigu buka oho malu agora amigu buka suporta malu, fo deve osan ba malu no fa'an ekipamentu militar ba malu.¹ Ne'e atu hatete katak kolega bele hili maibe viziñu nunka hili no kooperasaun ne'e sai ponte atu hamoris amizade diak no hametin paz no estabilidade iha rejiaun.

Maibe aspetu seluk presiza konsidera mos iha ambitu polítiku no estratejiku wainhira viziñu rai rua depende ba malu ekipamentu militar nian. Amigu bele sai inimigu depende interese rai ida-idak nian. Iha ne'ebé Timor-Leste ho Repúblika Indonezia dadaun ne'e dezenvolve hela no hatur iha akordu kooperasaun defeza rai rua nian. Ho provizaun prinsipal husi akordu ne'e maka Timor-Leste nia intensaun atu sosa ekipamentu militar husi PT. PINDAD (Persero) – Indonezia no empreza seluk husi Indonezia ne'ebé produs ekipamentu militar nian.²

Dahuluk liu Timor-Leste sosa kilat ho skala ne'ebé boot husi PT. PINDAD (Persero) ho marka PM2 – V1 ho total 75 ba Polisia Nasional Timor-Leste – PNTL iha tinan 2012. Tuir notisia media Indonezia nian fo sai katak Timor-Leste sei sosa tan ekipamentu militar nian seluk ne'ebé Timor-Leste komunika intensivamente ho Indonezia liu husi akordu ne'ebé ulun boot rai rua ne'e asina. Maibe Timor-Leste presiza hare katak Indonezia rasik seidak bele garante jestaun no kontrolu kilat iha ne'ebé monu ba terrorista sira nia liman iha rai balu Azia nian,³ emprezariu sira, grupu premanizmu sira no grupu armada seluk iha Papua⁴ no rai konflitu sira hanesan Poso no Maluku – Indonezia kilat hirak ne'e produtu husi PT. PINDAD (Persero) no fa'an husi oknum Tentara Nasional Indonesia – TNI no *Polisi Republik Indonesia* – POLRI sira no kilat naok sira husi armori TNI no POLRI nian.⁵

Iha sorin seluk, Timor-Leste ho Indonezia ladook malu fronteira iha area rai ketan no tasi iha potencia ameasa, bainhira iha situsaun ruma iha area fronteira Timor-Leste ho Indonezia sei duun ba malu karik kriminozu ka terrorista uza kilat ne'ebé hanesan.

¹ Relatoriu Fundasaun Mahein. (18 Abril 2011). Mahein Nia Lian Nú. 18, Mehi no Realidade ba Dezenvolvimentu no Profesionalismu Forsa FALINTIL-FDTL.

²Fundasaun Mahein (2014). Fevereiro. 17). Timor-Leste Preokupa Kona-bá Kilat Foun Ne'ebé Halo kontratu ho Indonezia.<http://www.fundasaunmahein.org/2014/02/17/timor-leste-strikes-troubling-new-weapons-deal-with-indonesia/>

³Tempo Interaktif. (2009. Agostu. 31). DPR Soroti Penjualan Senjata Pindad. <http://www.tempo.co/read/news/2009/08/31/063195240/DPR-Soroti-Penjualan-Senjata-Pindad>

⁴Atjehcyber Team (2014). Tentara Jual Senjata: Ke Papua Bawa M-16, Bawa Pulang 16 M. disponivel iha: <http://www.atjehcyber.net/2014/02/tentara-jual-senjata-ke-papua-bawa-m-16.html>

⁵ Tempo Interaktif. (2009. Agostu. 31). DPR Soroti Penjualan Senjata Pindad. <http://www.tempo.co/read/news/2009/08/31/063195240/DPR-Soroti-Penjualan-Senjata-Pindad>



Relatoriu ida ne'e Fundasaun Mahein (FM) la'os atu dezafia kooperasaun Timor-Leste no Repúblika Indonezia goza hela iha seitor importante seluk. Maibe seitor siguransa presiza difine iha ambitu tatika no estratejiku militar nian. Pontu prinsipal husi relatoriu ne'e maka akordu kooperasaun no sosa ekipamentu militar husi Indonezia, perfil empreza Indonezia nian no kualidade kilat ikus liu maka jestaun no kontrolu kilat iha Indonezia rasik no aspetu polítiku no estratejiku nian wainhira rai rua viziñu depende ba malu ekipamentu militar nian.

Metodolojia

Metodolojia ne'ebé adopta iha relatoriu ne'e mai husi diskusaun sira iha ekipa peskizador FM nian ho metodu *Security Sector Discussion* – SSD. Relatoriu ne'e halo análiza ba política Timor-Leste nia ne'ebé dependensia kontratu kilat husi Indonezia. Rekolla informasaun kona-bá kilat no análiza deskriptivu ba relatoriu dahuluk sira FM nia inklui relatoriu Komisaun Eventual kona-bá prosesu akizisaun kilat PT.PINDAD (Persero) - Indonezia. Fontes informasaun seluk mai husi relatoriu organizasaun Internasional sira, media Nasional no Internasional sira.

Konklui iha relatoriu ne'e maka pontu rekomendasaun sira ba Governu kona-bá política forneselementu arma no ekipamentu siguransa ba instituisaun siguransa no defeza Timor-Leste. Estadu tenki konsidera husi aspetu polítiku no siguransa, tatika no estratejia ne'ebé relevansia ba pontensia ameasa global, mundu ohin loron nian.

Akordu Kooperasaun no Sosa Ekipamentus Militar husi Indonezia

Governu Timor-Leste ho Indonezia asina tiha ona akordu kooperasaun bilateral iha area defeza no siguransa liu husi nota intendementu (*Memorandum of Understanding – Mou*) ne'ebé inisiu asina iha Dili, tinan 2011.⁶ Konkretizasaun akordu ida ne'e, Indonezia iha komitmentu fo apoiu kreditu ekspó ka deve osan ba Timor-Leste ho importa ka sosa kilat husi PT. PINDAD - Indonezia.⁷ Iha loron 23 Marsu 2011 Ministru Interna Repúblika Indonezia nian afirma katak iha ona konkordansia ho Timor-Leste atu fo exporta kilat ba Timor-Leste.⁸

Kooperasaun defeza Timor-Leste no Repúblika Indonezia intensifika liu tan, liu husi sorumutu Primeiru Ministru no Ministru Defeza husi Timor-Leste Xanana Gusmão ho Ministru defeza Indonezia Poernomo Yusigiantoro hodi asina akordu foun iha Jakarta iha loron 10 Feveireru

⁶MAW/SR. (2011. Agostu. 20). RI – Timor Leste Sepakati Peningkatan Kerjasama Pertahanan.<http://dmc.kemhan.go.id/post-ri-timor-leste-sepakati-peningkatan-kerjasama-pertahanan.html>

⁷ Fundasaun Mahein. (2012. Agostu. 13). Timor-Leste Sei Sosa Kilat Barak Tan? Mahein Nia Hanoin Lisuk Agostu 2013.pdf. <http://www.fundasaunmahein.org/2012/08/13/timor-leste-sei-sosa-kilat-barak-tan/>

⁸ Fundasaun Mahein. (2012. Agostu. 13). Timor-Leste Sei Sosa Kilat Barak Tan? Mahein Nia Hanoin Lisuk Agostu 2013.pdf. <http://www.fundasaunmahein.org/2012/08/13/timor-leste-sei-sosa-kilat-barak-tan/>



2014.⁹ Ho Provizaun prinsipal husi akordu ne'e maka Timor-Leste nia intensaun atu sosa ekipamentu militar husi PT. PINDAD (Persero) Indonezia.¹⁰

Hanesan relatoriu dahuluk FM hasai ona iha ne'ebé media Indonezia fo sai katak FALINTIL-Força Defesa Timor-Leste (F-FDTL) simpatia ho produtu PT. PINDAD no sei sosa SS-2 rifles automatiku pistol G2 husi PT. PINDAD-Indonezia.¹¹

SUKOHARJO – Angkatan Darat Timor Leste tertarik melengkapi peralatan militernya yang dibuat oleh PT Pindad. Deputi Direktur Pemasaran dan Penjualan PT Pindad, TriyonoAndriSusilo, mengatakan pada tahap awal ada tiga jenis senjata buatan Pindad yang akan dibeli oleh Angkatan Perang Timor-Leste yakni senjata serbu jenis SS-2 yang juga digunakan TNI. “Selain senjata, Angkatan Darat Timor Leste juga akan memesan amunisi buatan PT Pindad,” jelas Triyono kepada wartawan di PT Sritex, Sukoharjo, Jawa Tengah, Sabtu (28/1/2012).

Selain itu, Angkatan Darat Timor-Leste juga akan memesan pistol jenis G2 serta truk angkutan personel seberat 2,5 ton dengan harga antara Rp 300 juta sampai Rp 900 juta per unit. “Untuk harga truk angkutan personel militer tergantung medan di Timor-Leste,” sambungnya. Keputusan Timor-Leste membeli persenjataan buatan Pindad, terang Triyono, karena Indonesia dianggap paling dekat secara geografis. Pindad sudah melayani pemesanan persenjataan untuk Kepolisian Timor-Leste. “Kalau tidak ada halangan, pesanan dari Angkatan Darat Timor-Leste ini baru yang pertama. Sebelumnya, Negara itu hanya pesan untuk kepolisian saja seperti dua unit kendaraan water cannon,” urainya.

Sementara itu Perdana Menteri Timor Leste, Xanana Gusmao, mengatakan Timor Leste masih perlu melakukan pembenahan di sektor pertahanan. “Tepat 20 Meinanti, Timor-Leste genap 10 tahun, masih banyak kekurangan negara ini yang harus dibenahi,” pungkasnya.¹²

Nune'e mos iha lora 2 Jullu 2013 media Indonezia fo sai Timor-Leste iha ona komunikaun intensivu ho PT Dirgantara Indonesia (PT DI) hodi serbisu hamutuk no Timor-Leste sei sosa aviaun produtu husi PT Dirgantara Indonesia.¹³ Hanesan pública tiha ona iha portal *detikfinance* nian fo sai katak Timor-Leste sei sosa aviaun rua husi Indonezia.

⁹ DMC. (2014. Feveiru. 11). Indonesia - Timor Leste Tindak Lanjuti Perjanjian Kerja Sama Pertahanan. <http://www.kemhan.go.id/kemhan/?pg=73&id=1318>

¹⁰ Fundasaun Mahein (2014. Feveiru. 17). Timor-Leste Preokupa Kona-ba Kilat Foun Ne'ebé Halo kontratu ho Indonezia. <http://www.fundasaunmahein.org/2014/02/17/timor-leste-strikes-troubling-new-weapons-deal-with-indonesia/>

¹¹ Fundasaun Mahein. (2012. Agostu. 13). Timor-Leste Sei Sosa Kilat Barak Tan? Mahein Nia Hanoin Lisuk Agostu 2013.pdf. <http://www.fundasaunmahein.org/2012/08/13/timor-leste-sei-sosa-kilat-barak-tan/>

¹² <http://news.okezone.com/read/2012/01/28/337/565292/militer-timor-leste-tertarik-beli-senjata-buatan-pindad>

¹³ Fundasaun Mahein. (2013. Jullu. 10). Mahein Nia Lian Nú. 56, Informasaun Siguransa: Taka ga Segredu?



Fontes: Portal Portal *detikfinance*, Asesu iha Tersa Feira 02 Jullu 2013.

Jestor ka Manajer Pemasaran PT DI, Teguh Graito - menyebutkan khusus untuk NC212 sejumlah negara saat ini tengah intens komunikasi untuk melakukan kerjasama. Kebutuhan NC212 diantaranya 2 unit untuk Air Force Filipina, sebanyak 6-8 unit untuk Ministry of Agriculture and Cooperatives (MoAC) Thailand, 6 unit untuk Myanmar Airforce, 2 unit untuk Nepal Army, 2 unit untuk Papua Nugini, **2 unit untuk Timor Leste Air Force**, 2 unit untuk Biman Airlines Bangladesh dan 2 unit untuk Air Madagaskar.¹⁴

Iha tinan 2012 Timor-Leste iha eskala boot liu kona-bá sosa kilat husi PT. PINDAD (Persero) – Indonezia ne'ebé ladun transparante husi Komandu Jeral Polisia Nasional Timor-Leste (PNTL) hamutuk 75 iha prosesu sosa kilat no hatama kilat. Iha ne'ebé kilat husi produsaun PT. PINDAD (Persero) ho marka PM2-V1 ne'ebé Timor-Leste sosa ba PNTL durante teste ba kilat 5 lafunsiona no tuir mai kilat 75 ne'ebé importa husi PT-PINDAD (Persero) iha tinan ne'ebé hanesan no nia prosesu akizasaun no hatama kilat problematiku hela.¹⁵

Perfil Empreza PT. Pindad (Persero) – Indonezia no Kualidade Kilat

PT. PINDAD (Persero) nu'udar kompañia industria manufaktura Indonezia ninian ne'ebé produz material funu no ekipamentus mekaniku. PT. PINDAD (Persero) nia diresaun iha Rua Jenderal Gatot Subroto Nú. 517 Bandung 40284.¹⁶ Kompañia PT. PINDAD (Persero) inisiu hakna'ar an iha produsaun kilat, no munisaun sira, produz veikulu spesial hodi fornese nesesidade sistema armamentu ba dezenvolvimentu area defeza no siguransa Estadu Republika Indonezia nian.

¹⁴Yulianti, Tya Eka. (2013). Pesawat *Made in Bandung* Laris Dibeli Timor-Leste, Malaysia Hingga Madagaskar. Bandung – Indonezia.

<http://finance.detik.com/read/2013/07/02/192613/2290746/1036/pesawat-made-in-bandung-laris-dibeli-timor-leste-malaysia-hingga-madagaskar>

¹⁵ Fundasaun Mahein. (2013. Abril. 23). Paraderu Kilat Ne'ebé Lakon La Klaru no Polemika Kilat iha Timor-Leste. Mahein nia Lian Nú 49.

¹⁶ PT. Pndad (Persero). <http://www.pindad.com/contact-us>



Iha ne'ebé ohin loron Kompañia PT. PINDAD (Persero) nia produktu fa'an ka distribui ona iha nivel domestiku no mos tama ona iha komersiu estranjeiru.

Kompania PT. PINDAD nu'udar Empreza Públiku Indonezia bazeia ba regulamentu Nú. 41 tinan 2008, PT. PINDAD (Persero) hamriik iha Ministériu Empreza Públika ka BUMN nia okos. Estruturamente Komisariu PT. PINDAD lidera husi Jeneral Budiman ne'ebé dadaun ne'e okupa mos kargu hanesan *Kepala Staff Angkatan Darat* (KASAD). Vice Komisairu ho kargu komisariu sira seluk, maioria maka ofisial no reformadu militar Indonezia nian inklui empregador profesional ba espesialista iha teknolojia armamentu, metalurjia, makina no seluk tan.

Empreza PT. PINDAD (Persero) kaer metin lema "*La iha kompromi ba qualidade*" nu'udar baze ba operasaun kompañia nian. Qualidade produktu no mos forneseimentu sasan ba konsumedor sira tuir tempu determinadu iha kontratu, sai nu'udar kompromisiu ne'ebé hatur iha kode Etika Kompañia PT. PINDAD (Persero), SKEP/21/P/BD/XII/2012.¹⁷ Maibe kompromisiu kontratu no qualidade produsaun PT. PINDAD iha hela duvidas nia laran Timor-Leste ne'ebé mos nu'udar importador kilat husi PT. PINDAD (Persero) - Indonezia.

Kualidade Kilat PT PINDAD (Persero) hanesan esperiensa ida ba Timor-Leste iha ne'ebé kilat PM2-V1 nu'udar produktu foun ida husi Kompania PT. PINDAD (Pesero), ne'ebé dezenvolve husi modelu kilat SS2 nia isin lolon ho pesa balu antigu nian. Kilat ne'e bele uza ba Guarda Florestal no autoridade ne'ebé hala'o kna'ar mantein lei no orden. Maibe Komandante Jeral PNTL, Longuinhos Monteiro liu husi media nasional deklara katak kilat PM2-V1 nia rasik maka dezeña no Timor-Leste Nasaun primeiru iha mundu maka uza kilat PM2-V1 husi produsaun PT. PINDAD – Indonezia sosa ba PNTL.¹⁸

Maske Kompania PT. PINDAD rasik kaer metin lema "*laiha kompromi ba qualidade*" (*no compromi to quality*). Maibe razaun ida ne'e la hatudu iha prátika no realidade hatudu katak kilat PM2-V1 hamutuk lima ne'ebé Timor-Leste sosa dahuluk la funsiona durante teste kilat. Tanba wainhira koko tiru kilat musan 100 seidak hotu maibe kilat nia komponente balu rahun tiha ona. Iha momentu ne'e hamosu duvida boot no impresaun ladiak no kompañia nia prinsipiu atu garante qualidade. Portantu kilat PM2-V1 la'os produktu foun maibe modifika deit husi kilat seluk ho pesa balu antigu nian ne'ebé bele preojudika mos ba kustu manutensaun iha futuru. Iha ne'ebé Timor-Leste rasik sei menus rekursu no seidak iha kapasidade ka badaen espesifiku kona-bá kilat nian.

Jestaun Kontrolu Kilat Iha Indonezia

Kompañia PT. PINDAD (Persero) hamriik iha Ministériu Empreza Públiku ka BUMN Governu Indonezia nia ne'ebé produz material funu no ekipamentu mekaniku ba polisia no militar sira iha

¹⁷ PT. Pindad. (2012). Kode Etik dan Perilaku Perusahaan PT. Pindad (Persero). <http://www.pindad.com/downloads/division/Kode-etik-Perusahaan.pdf>. Aseu iha 6 Jullu 2014.

¹⁸ Fundasaun Mahein. (2013. Abril. 23). Paraderu Kilat Ne'ebé Lakon La Klaru no Polemika Kilat iha Timor-Leste. Mahein nia Lian Nú 49.pdf.



Indonezia no orienta mos ba merkadu estranjeiru.¹⁹ PT. PINDAD (Persero) nia produktu kilat ho marka PM2-V1 uza premeiru iha mundu no iha merkadu internasional partikularmente Governu Timor-Leste sosa ba PNTL.

Portantu FM nia hare PT. PINDAD (Persero) rasik nu'udar empreza kontraversial ida iha Indonezia, deskonfia PT. PINDAD (Persero) involve iha kazu fa'an kilat ilegalmente no monu ona iha grupu premanizmu, emprezariu no grupu terrorista iha Nasaun balu iha Azia. Iha fulan Marsu 2013 Polisia Indonezia halo pasa revista ba rezidencia Hercules no detekta katak Hercules subar kilat iha nia uma no kilat refere produktu husi PT. PINDAD (Persero).²⁰

PT. PINDAD (Persero) mos deskonfia involve iha kazu fa'an kilat ho ilegalmente ba nasaun estranjeiru balu, iha lora 31 Agustu 2009 Polisia Filipina kaptura ró komersiu balu tenta atu atraka iha area kosteira Mariveles – Filipina no Polisia Filipina kaptura kedas tanba deskonfia tula kilat ilegal, polisia halo kedas pasa revista hetan pistola hamutuk 10 no kilat boot hamutuk 50 ho marka SS1-V1 produktu husi PT. PINDAD (Persero). Parlamentu Nasional ka DPR Indonezia rasik kestiona kona-bá prátika ida ne'e.²¹

Nune'e mos kazu hatama kilat mai iha Timor-Leste mos problematiku hela. Komisaun Eventual ba Prosesu Akizisaun Kilat ba PNTL iha PT. PINDAD (Persero) nia estudu afirma katak iha infrasaun legal kona-bá falsifikasaun dokumentu husi representante autorizadu PT. PINDAD (Persero) iha prosesu sosa kilat ba PNTL. Hanesan dokumentu *amandament* ne'ebé asina dia 09 Abril 2012 no dokumentu *amandament* seluk ne'ebé asina iha dia 02 Jullu 2012 hatudu asinatura rua ne'ebé la hanesan.²² Pior liu maka Diretór Kompañia PT. PINDAD (Persero) laiha vontade kooperasaun ida diak no monta ema segredu ba prosesu negosiu fa'an kilat ba PNTL.²³ Ikus mai prosesu akizisaun kilat husi PT. Indonezia hamosu polemika iha Timor-Leste no responsabilidade sosa kilat Komandante Jeral PNTL, Longuinhos Monteiro no Sekeratarriu Estadu Siguransa, Francisco Guterres dudu ba malu.²⁴

Pratika ida ne'e hatudu klaramente katak empreza PT. PINDAD(Persero) - Indonezia rasik sedauk hatur kontrolu no jestaun kona-bá kilat ne'ebé produz. Iha análiza balu mos hatudu katak kompañia PT. PINDAD (Persero) rasik nia perfil la diak tanba laiha transparansia no

¹⁹ PT. Pindad (Pesero). Tujuan dan Sasaran Perusahaan. Asesu iha <http://www.pindad.com/goal-and-company-objective>

²⁰ Infomasaun ida ne'e publika tiha ona iha ralatoriu dahuluk FM nia kona-bá Paradeiru Kilat Ne'ebé Lakon La Klaru no Polemika Kilat iha Timor-Leste, Mahein Nia Lian Nú 49, 23 Abril 2013.

²¹ Tempo Interaktif. (2009. Agostu. 31). DPR Soroti Penjualan Senjata Pindad. <http://www.tempo.co/read/news/2009/08/31/063195240/DPR-Soroti-Penjualan-Senjata-Pindad>

²² Komisaun Eventual (2014. Feveiru. 03) Relatoriu Komisaun Eventual Kona-bá Prosesu Akizisaun Kilat PNTL iha PT. PINDAD (Persero). Paj. 18.

²³ Komisaun Eventual (2014. Feveiru. 03) Relatoriu Komisaun Eventual Kona-bá Prosesu Akizisaun Kilat PNTL iha PT. PINDAD (Persero). Paj. 25.

²⁴ Fundasaun Mahein. (2013. Abril. 23). Paradeiru Kilat Ne'ebé Lakon La Klaru no Polemika Kilat Iha Timor-Leste. Mahein Nia Lian Nú. 49.



kontrolu kona-bá kilat no espalla ilegalmente iha komidade nia leet.²⁵ Pior liu autoridade siguransa PORLI no TNI maka sai autor fa'an kilat ba grupu kriminozu sira. Sai exemplu kilat ne'ebé konsege asegura husi POLRI relasiona ho kazu asaltu iha banku CIMB Niaga Medan ne'ebé nu'udar kilat produtu PT. PINDAD (Persero) ho modelu SS-1.²⁶ Maibe Timor-Leste iha ambisiozu liu atu sosa kilat iha Indonezia la análiza didiak ba kompañia nia perfil antes atu sosa kilat ba PNTL.

Iha sorin seluk, Indonezia rasik seidauk garante kontrolu kilat no fabrika kilat ilegal kontinua buras. Iha ne'ebé Polisia Indonezia kontinua halo inspesaun ba ofisina no fabrika kilat ne'ebé deskonfia halo produsaun kilat ilegal no faan ilegalmente ba komidade domestiku no ema estranjeiru sira. Iha Janeiru 2012 Polisia Indonezia halo Pasa revista ba ofisina ida iha Kediri – Jawa Timur no hasai kilat boot hamutuk 7.²⁷ Nune'e mos Polisia Indonezia halo pasa revista ba fabrika kilat ida iha Sidade Malang 30 Juñu 2014 no konsege asegura faktus dokumentus balu kona-bá distribuisaun kilat ba estranjeiru nian inklui 227 kilat anin ne'ebé pruntu atu uza no rezerva kilat boot 157 ne'ebé sedauk dezeńu.²⁸

Konflitu sira iha Maluku no Poso mos hetan distribuisaun kilat husi autoridade siguransa (TNI/POLRI) fa'an sira nia kilat M-16 no AK-47 ho folin US\$ 700.00 kada lolon ida, ne'ebé mai husi kilat naok nian husi armori. Tanba grupu simpatia husi rai laran ne'ebé involve trafikulu kilat transfere ba rai liur no mai husi Filipina (Teritoriu Davao) no Kupang NTT liu husi area tasi nian.²⁹

Relatoriu media Indonezia fo sai mos katak elementu TNI ne'ebé ba hala'o misaun iha Provinsi Papua fa'an kilat no kilat musan ba Grupulu Armadu Papua ne'ebé luta ba sira nia independensia. Iha ne'ebé kilat musan husi Grupulu Armadu Papua nian nunka hotu no sempre tiru malu ho autoridade siguransa Indonezia nian. Kuniñesidu liu sira bolu "Ba Papua lori M-16 no fila lori 16 M". Kilat hirak ne'e mai husi produtu PT. PINDAD (Persero) – Indonezia.³⁰

Atjehcyber Team – Tentara jual senjata: Ke Papua bawa M -16, bawa pulang 16 M. Gubernur Papua Lukas Enembe mencurigai adanya oknum TNI atau Polri yang menjual amunisi sisa tugas ke masyarakat Papua. Penjualan amunisi secara ilegal itu yang membuat konflik atau kontak senjata

²⁵Subagyo. Agus. Peredaran Senjata Api Ilegal Di Indonesia. [file:///C:/Users/user/Downloads/PEREDARAN%20SENJATA%20API%20ILEGAL%20DI%20INDONESIA%20\(1\).pdf](file:///C:/Users/user/Downloads/PEREDARAN%20SENJATA%20API%20ILEGAL%20DI%20INDONESIA%20(1).pdf). Asesu iha 24 Juñu 2014.

²⁶Subagyo. Agus. Peredaran Senjata Api Ilegal Di Indonesia. [file:///C:/Users/user/Downloads/PEREDARAN%20SENJATA%20API%20ILEGAL%20DI%20INDONESIA%20\(1\).pdf](file:///C:/Users/user/Downloads/PEREDARAN%20SENJATA%20API%20ILEGAL%20DI%20INDONESIA%20(1).pdf). Asesu iha 24 Juñu 2014.

²⁷Subagyo, Afnan. (2012. Janeiru. 29). Polisi Gerebek Pabrik Senjata Api Ilegal. <http://news.okezone.com/read/2012/01/29/340/565357/polisi-gerebek-pabrik-senjata-api-ilegal>

²⁸Ridwan, Mohammad (2014. Jullu. 01). Polisi gerebek pabrik senjata ilegal di Kota Malang. <http://www.lensaindonesia.com/2014/07/01/polisi-gerebek-pabrik-senjata-ilegal-di-kota-malang.html>

²⁹Subagyo. Agus. Peredaran Senjata Api Ilegal Di Indonesia. <file:///C:/Users/user/Downloads/PEREDARAN%20SENJATA%20API%20ILEGAL%20DI%20INDONESIA%20>. Asesu iha 24 Juñu 2014.

³⁰Atjehcyber Team (2014). Tentara Jual Senjata: Ke Papua Bawa M-16, Bawa Pulang 16 M. disponivel iha: <http://www.atjehcyber.net/2014/02/tentara-jual-senjata-ke-papua-bawa-m-16.html>



antara TNI atau Polri dan kelompok bersenjata tak pernah berhenti. Lukas menegaskan, bahwa penembakan itu terjadi karena ulah aparat yang justru datang ke Papua dengan menjual amunisi ke masyarakat lokal. Karena itu, dia meminta Kapolri dan Panglima TNI menertibkan para prajuritnya yang kerap kali menjual amunisi ke warga Papua. Kecurigaan ini bukan tanpa alasan, dia yakin hal ini terjadi karena kelompok bersenjata tak pernah kehabisan peluru saat baku tembak.

Soal pembelian secara ilegal, dia menegaskan, bahwa keamanan di Papua sangat ketat sehingga sulit membawa senjata atau amunisi ilegal dari luar Papua kecuali membeli dari aparat yang bertugas di Papua. Senada dengan Lukas, Anggota Komisi I DPR Yorrys Raweyai mengatakan, kegagalan juga terjadi saat para aparat yang datang dari luar Papua membawa penuh amunisi, namun setelah pulang amunisi tak bersisa. Sehingga dia juga yakin, kelompok bersenjata di Papua mendapatkan amunisi justru dari aparat keamanan sendiri.

"Dari mana amunisi bisa masuk ke sana, ada indikasi pasukan di-BKO-kan datang bawa peluru, pulang tak bawa apa-apa. Jadi ada istilah, datang bawa M16 pulang bawa 16 M," kata Yorrys yang menemani Lukas bertemu dengan Wakil Ketua DPR Priyo Budi Santoso. Menurut dia, amunisi dijual oleh para aparat keamanan dengan harga Rp 1.500 per butir. Dia juga yakin hal ini terjadi karena selongsong yang ditemukan dalam penyisiran tempat kontak senjata itu berasal dari PT. PINDAD (Persero) yang dipakai aparat keamanan. "Amunisi terbatas, kenapa kontak senjata dari tahun ke tahun amunisi tidak pernah habis temuan selongsong buatan Pindad, dari mana itu barang?" kata dia.³¹

Relatoriu Organizaasaun Internasional Crisis Group (ICG) rasik husu ba Governu Indonezia atu prevene sirkulasaun kilat ilegal ho mekanizmu reforsa prosedura kontrolu armori kilat polisia no militar no mos halo *auditing* ba importasaun kilat. Iha ne'ebé konsidera kilat ilegal ne'e mai husi sosa ilegal, kilat naok husi armori, kilat restu husi area konfliktu no mos fabrika kilat rakitan inklui trafiku kilat.³² Signifika Indonezia rasik kontrola kilat sei problematiku hela no seidak hatur iha kontrolu no jestaun ne'ebé diak ikus kilat balu monu ba emprezariu, premanismu no mafia balu nia liman no grupu armadu ilegal rai seluk nian ne'ebé deskonfia PT. PINDAD (Persero) fa'an ba sira.

PT. PINDAD (Persero) hanesan Kompañia Empreza Públiku (EP) ka BUMN³³ maibe la konsege kontrola kilat ne'ebé sira produs. Ikus monu ba grupu krime organizadu sira nia liman, emprezariu no premanismu sira. Hetok aat liu tan Timor-Leste no Indonezia rasik ladook malu fronteira iha area terestre no maritima frajil tebes no risiko maka'as ba atividade ilegal.FM nian tauk kilat PT. PINDAD (Persero) bele monu mos ba grupu krime organizadu sira nia liman no infiltra tama iha Timor-Leste. Karik tama no halo asaun ruma, responsabilidade ba asaun ne'e sei dun ba mai. Tanba kilat bele hanesan ho PNTL nian no susar tebes atu identifika.³⁴

³¹ Atjehcyber Team (2014). Tentara Jual Senjata: Ke Papua Bawa M-16, Bawa Pulang 16 M. disponivel iha: <http://www.atjehcyber.net/2014/02/tentara-jual-senjata-ke-papua-bawa-m-16.html>

³² Setiwan, Agus. (2010. Setembru. 09). Mengkhawatirkan, peredaran Senjata Api Illegal di Indonesia. <http://www.dw.de/mengkhawatirkan-peredaran-senjata-api-ilegal-di-indonesia/a-5988410>

³³ BUMN – Badan Usaha Milik Negara – República Indonezia.

³⁴ Fundasaun Mahein. (2013. Abril. 23). Paradeiru Kilat Ne'ebé Lakon La Klaru no Polemika Kilat Iha Timor-Leste. Mahein Nia Lian Nú. 49.



Nune'e mos Timor-Leste rasik sei problematiku hela ho jestaun no kontrolu kona-bá kilat, iha informasaun ne'ebé espalla iha comunidade katak iha mos kilat ilegal. Sai polemika liu tan kilat ne'ebé Timor-Leste hatama iha inisiu tinan 2013 la ho prosesu ne'ebé klaru.

Aspetu Polítika no Estratejiku

Governu lalais liu atu sosa kilat husi Indonezia ne'ebé ladun análiza didiak ba espeitupolítika, no estratejia. Husi aspetu polítika defeza no siguransa Timor-Leste ho Indonezia nu'udar Nasaun viziñu ne'ebé nia fronteira la dook malu iha area terestre no maritima ne'ebé seidak iha solusaun final kona-bá liña demarkasaun fronteira. FM nia hare katak kontaktu kilat possibilidade bele akontese iha area fronteira Timor-Leste ho Indonezia relasiona mobilizasaun krime hakat liu fronteira no disputa rai entre comunidade ne'ebé hela iha area fronteira.

Iha ona situasaun balu ne'ebé Estadu Timor-Leste presiza konsidera nu'udar potencia ameasa nu'udar nasaun viziñu. Liu-liu toma atensaun ba siguransa iha fronteira no konsidera katak area fronteira nu'udar problema ne'ebé vital ba Nasaun nia soberania. Iha ne'ebé dinamika konseitu siguransa ohin loron muda ona, la'os ona fokus ba ameasa konvensional (ameasa militar ka funu) maibe ameasa naun konvensional ho karakter krime hakat liu fronteira hanesan terrorizmu, piratria, peska ilegal, trafiku umanu, droga, trafiku ba kilat no seluk tan.

Ameasa ho karakter naun konvensional dala barak dezafia maka'as ba Nasaun sira ne'ebé iha frajilidade kontrolu iha area fronteira hanesan Timor-Leste. Fonemena balu husi tipu ameasa hirak ne'e mosu ona iha kontestu Timor-Leste nian, hanesan kilat rakitan 13 ho munisoens 109, Granada 6 no magazen M16, TNI prende dala ida iha fronteira banhira atu lori tama mai iha Timor-Leste. Iha fulan Setembru 2002, Australia bolu atensaun ba ninia sidadaun sira iha Timor-Leste atu fila hikas ba sira nia rain, relasiona ho potencia atake husi terrorizmu ba nia sidadaun iha Timor-Leste iha ne'ebé halo Embaixada iha Timor-Leste taka durante semana ida nia laran.³⁵

Portantu situasaun sira iha fronteira Timor-Leste ho Indonezia rasik dala balu hamosu tensaun entre comunidade sira ba konflitu. Relasiona ho area fronteira ne'ebé seidak iha solusaun final kona-bá demarkasaun fronteira. Hanesan iha tinan 2013 forsa TNI Indonezia tama to'o area Timor-Leste (Oe-cusse) buka tuir karau lakon ne'ebé deskonfia Timor oan maka naok. Iha Jullu 2012, comunidade Timor Tengah Utara (TTU) konfronta ho comunidade Pasabe-Oecusse tanba hadau malu rai.³⁶

Nune'e mos fulan Outubru 2012 elementu TNI tiru sidadaun Timor-Leste ho naran Lucas da Costa Neto (Tinan 45) iha area mota masin nian bainhira iha indikasaun kona-bá atake tentativa husi sidadaun ne'e ba forsa armada Indonezia. Iha Abril 2005, *oknum* PNTL tiru ofisiais militar

³⁵ Komisaun Eventual (2014. Feveiriu. 03) Relatoriu Komisaun Eventual Kona-bá Prosesu Akizisaun Kilat PNTL iha PT. PINDAD (Persero). Paj. 29.

³⁶ Komisaun Eventual (2014. Feveiriu. 03) Relatoriu Komisaun Eventual Kona-bá Prosesu Akizisaun Kilat PNTL iha PT. PINDAD (Persero). Paj. 31.



Indonezia nian ida iha fronteira no parte PNTL rekuñese insidente ne'e iha momentu ne'eba vitima nia kelen kanek.³⁷ Husi problema hirak ne'ebé mensiona iha leten nu'udar potencia ameasa ida ba futuru. Iha ne'ebé Estadu Timor-Leste ho Indonezia uluk funu malu iha ai laran ohin iha relasaun ne'ebé romantiku liu entre lideransa jersaun tuan sira Indonezia no mos Timor-Leste. Portantu konflitu interese sempre akontese no potencia boot liu iha area fronteira nasaun ninian hodi hamosu tensaun konflitu.

Esperensia husi Nasaun balu iha Azia hanesan Korea do Sul no Korea do Norte ne'ebé kontinua sai inimigu hodi provoka malu liu husi movimentu militar. Xina ho Japaun intensivamente hasa'e dadaun sira ida-idak nia kapasidade forsa ho ekipamentus modernu hodi hasoru possibilidade konflitu kona-bá disputa rai no tasi.³⁸ Nune'e mos Nasaun balu iha Afrika Leste hanesan Eritrea ho Ethiopia iha historia naruk kona-bá sira nia konflitu. Pais rua ne'e uluk ida deit, maibe hahu iha dekada 1960 mai leten, Eritrea komesa halo revolta ho kilat hodi liberta an no sai pais independente iha 1991. Ukun an tiha, pais rua ne'e tama hikas ba konflitu interese Nasional tanba disputa fronteira, no problema sempre hahu husi tiru malu iha rai ketan.³⁹

Husi sorin seluk, konsidera ba potencia ameasa husi *autor não estado* nomos possibilidade konflitu intrese ho pais viziñu, iha nesesidade ba Timor-Leste atu dezenvolve seitór defezasiguransa iha konfidensialidade nia laran. Indonezia Timor-Leste nu'udar pais rua amigu boot iha tempu agora. Maibe hare husi kontestu jeopolitiku no historia pasadu, Indonezia mos bele sai inimigu potencia ne'ebé besik liu Timor-Leste. Problema residual pasadu, konflitu ne'ebé mosu bei-beik iha rai ketan, demarkasaun fronteira tasi laran iha tempu oin mai, movimentu sidadaun entre pais rua, bele mos sai fatór sira ne'ebé determina Nasaun rua nia destinu iha relasaun ba tempu agora no mos tempu oin mai.⁴⁰

Tanba ne'e FM preokupa kona-bá Estadu Timor-Leste nia dependensia ba kontratu kilat ho Indonezia. Hetok at liu tan maka Governu hili Indonezia sai distributor armas no ekipamentus militar ba instituisaun siguransa no defeza Timor-Leste nian. Política ida ne'e nu'udar dalan aat ba estratejia defeza no siguransa Timor-Leste iha futuru. Iha ne'ebé Timor-Leste no Indonezia la dook malu fronteira iha area terrestre no tasi.

³⁷ Komisaun Eventual (2014. Feveiru. 03) Relatoriu Komisaun Eventual Kona-bá Prosesu Akizisaun Kilat PNTL iha PT. PINDAD (Persero). Paj. 31.

³⁸ Komisaun Eventual (2014. Feveiru. 03) Relatoriu Komisaun Eventual Kona-bá Prosesu Akizisaun Kilat PNTL iha PT. PINDAD (Persero). Paj. 31.

³⁹ Komisaun Eventual (2014. Feveiru. 03) Relatoriu Komisaun Eventual Kona-bá Prosesu Akizisaun Kilat PNTL iha PT. PINDAD (Persero). Paj. 25.

⁴⁰ Komisaun Eventual (2014. Feveiru. 03) Relatoriu Komisaun Eventual Kona-bá Prosesu Akizisaun Kilat PNTL iha PT. PINDAD (Persero). Paj. 31.



Sumariu Rekomendasaun

1. Rekomenda ba Ministeriu Defeza no Siguransa atu halo revizaun kona-bá política fornimentu armas no ekipamentus siguransa ba instituisaun siguransa no defeza Timor-Leste.
2. Rekomenda no hatutan tan rekomendasaun investigasaun Komisaun Eventual katak presiza konsidera mba sirkuntansia iha política internasional no mudansa ba conseitu ameasa sira iha era globalalيزasaun no ejije ba Governu atu tau importansia ba konfidensialidade iha dezvoltimentu area defeza-siguransa husi país viziñu nomos *autor não estado*.
3. Rekomenda ba Governu Indonezia no Prezidenti República eleitu ne'ebé sei asume mandatu foun iha tinan ida ne'e nia laran presiza hare fila fali no fortifika sistema kontrolu kilat sira husi armori TNI no POLRI nian no empreza sira ne'ebé produs kilat. Iha ne'ebé dadaun ne'e sai preokupasaun povu Indonezia no Timor-Leste hanesan Nasaun viziñu iha ne'ebé kilat hirak ne'e monu ba grupu terorismu, grupu premanismu sira no grupu armadu seluk. Iha momentu hanesan Timor-Leste sosa kilat husi Indonezia.



Bibliografia

- Atjehcyber Team (2014). Tentara Jual Senjata: Ke Papua Bawa M-16, Bawa Pulang 16 M. Disponivel iha: <http://www.atjehcyber.net/2014/02/tentara-jual-senjata-ke-papua-bawa-m-16.html>
- DMC. (2014. Feveireiru. 11). Indonesia - Timor Leste Tindak Lanjuti Perjanjian Kerja Sama Pertahanan. <http://www.kemhan.go.id/kemhan/?pg=73&id=1318>
- Fundasaun Mahein. (2012. Agostu. 13). Timor-Leste Sei Sosa Kilat Barak Tan? Mahein Nia Hanoin Lisuk Agostu 2013.pdf. <http://www.fundasaunmahein.org/2012/08/13/timor-leste-sei-sosa-kilat-barak-tan/>
- Fundasaun Mahein. (2013. Jullu. 10). Informasaun Siguransa: Taka ga Segredu? Mahein Nia Lian Nú. 56. Jullu 2013
- Fundasaun Mahein. (2013. Abril. 23). Paraderu Kilat Ne'ebé Lakon La Klaru no Polemika Kilat iha Timor-Leste. Mahein nia Lian Nú 49.
- Fundasaun Mahein (2014. Feveireiru. 17). Timor-Leste Preokupa Kona-ba Kilat Foun Ne'ebé Halo kontratu ho Indonezia.<http://www.fundasaunmahein.org/2014/02/17/timor-leste-strikes-troubling-new-weapons-deal-with-indonesia/>
- Komisaun Eventual (2014 Feveireiru 03). Relatoriu Komisaun Eventual Kona-bá Prosesu Akizisaun Kilat PNTL iha PT. PINDAD (Persero).
- Konstituisaun RDTL. (2002. Marsu. 22) Relasaun Internasional nian. Artigu 8. Alinea 4.
- PT. Pindad (Pesero). Tujuan dan Sasaran Perusahaan. iha <http://www.pindad.com/goal-and-company-objective>
- PT. Pindad. (2012). Kode Etik dan Perilaku Perusahaan PT. Pindad (Persero). <http://www.pindad.com/downloads/division/Kode-etik-Perusahaan.pdf>.
- RDTL (2014. Marsu.10) Timor-Leste no Indonezia kontinua hametin kooperasaun bilateral<http://timor-leste.gov.tl/?p=9828&lang=tp&n=1>
- Ridwan, Mohammad (2014. Jullu. 01). Polisi gerebek pabrik senjata ilegal di Kota Malang. <http://www.lensaindonesia.com/2014/07/01/polisi-gerebek-pabrik-senjata-ilegal-di-kota-malang.html>



Subagyo. Agus. Peredaran Senjata Api Ilegal Di Indonesia. [file:///C:/Users/user/Downloads/PEREDARAN%20SENJATA%20API%20ILEGAL%20DI%20INDONESIA%20\(1\).pdf](file:///C:/Users/user/Downloads/PEREDARAN%20SENJATA%20API%20ILEGAL%20DI%20INDONESIA%20(1).pdf).

Setiwan, Agus. (2010. Setembru. 09). Mengkhawatirkan, peredaran Senjata Api Illegal di Indonesia. <http://www.dw.de/mengkhawatirkan-peredaran-senjata-api-ilegal-di-indonesia/a-5988410>

Subagio, Afnan. (2012. Janeiru. 29). Polisi Gerebek Pabrik Senjata Api Ilegal. <http://news.okezone.com/read/2012/01/29/340/565357/polisi-gerebek-pabrik-senjata-api-ilegal>

PT. Pindad (Pesero). Tujuan dan Sasaran Perusahaan. iha <http://www.pindad.com/goal-and-company-objective>

PT. Pindad. (2012). Kode Etik dan Perilaku Perusahaan PT. Pindad (Persero). <http://www.pindad.com/downloads/division/Kode-etik-Perusahaan.pdf>.

Tempo Interaktif. (2009. Agostu. 31). DPR Soroti Penjualan Senjata Pindad. <http://www.tempo.co/read/news/2009/08/31/063195240/DPR-Soroti-Penjualan-Senjata-Pindad>